

Մահ Աբգարու . Կին նորա Հեղինէ թագուհին Հայոց . Մահ ե չերիմ
 նորին : Նահատակութիւն Յակոբոյ արգարջի :

ԵՐՁԱՆԻԿԸ ե առաջինն 'ի թագաւորս քրիստոնէից
 երանելին Աբգար , մկրտեցաւ 'ի թաղէոսէ առաքելոյ ա-
 մենայն տամբք իւրովք ե բժշկեցաւ 'ի ցաւոցն , ե պայծա-
 ռացաւ ինքն ե քաղաքն ողջոյն քրիստոնէական սուրբ հա-
 ւատով , ե հաստատեցաւ անդ եկեղեցի ֆրիստոսի . ե դրեալ
 զանազան թուղթս յարեւմուտս ե յարեւելս վասն ֆրիս-
 տոսի Աստուածութեանն , վախճանեցաւ թագաւորեալ
 ամս 38 : Իսկ Անանէ որդի նորա թագաւորեալ յետ նորա
 երաց զտաճարս կոոց , ետ սպանանել զհայրապետն Աղղէ
 յաթոս վարդապետութեան , եւ դադարեցոյց զքարոզու-
 թիւն Աւետարանին եւ անկեալ սիւն 'ի վերայ նորա բար-
 ցաւ 'ի կենաց : Եհաս Սանդրուկ , որ թագաւորէր 'ի Հայս ,
 կոտորեալ ջնջեաց զճետ Աբգարու : Եւ զղչխոյն Հեղինէ
 առաքեաց յետս 'ի Խառան 'ի քաղաք ծննդեան իւրոյ , թո-
 ղեալ նմա զտիկնութիւն ամենայն Միջագետաց փոխանակ
 բարեացն , զորս միջնորդութեամբ նորա դուտալ էր յԱբ-
 գարէ : Այլ թագուհին Հեղինէ զարդարեալ քրիստոնէական
 սուրբ հաւատովք եւ շնորհօք Ս . Հոգւոյն , սչ հանդուր-
 ժեաց բնակիլ 'ի մէջ հեթանոսաց , զի առ աստուածապաշ-
 տութեանն ոչինչ համարէր զվառս աշխարհիս ե զվայել-
 չութիւն տիկնութեան իւրոյ . չոքաւ յերոսողէմ յամի
 Տեառն իրբ 42 , յաւուրս Կգողեայ կայսեր , մինչ տիրէր
 սով սաստիկ յերոսողէմ ե 'ի սահմանս Հրէաստանի , ըստ
 մարգարէութեանն Ագարոսի . Գործ . ԺԱ . 28 : Եւ տուեալ
 զամենայն գանձս իւր՝ ետ բերել ցորեան տուտ յեղիպտոս-
 սէ ե յայլ ուստեքէ , ե առատաբարութ արտիւ բաշխէր եւ
 կերակրէր զամենայն կարօտեալս , որք դիմէին առ նա ,
 ոչ ինչ խտրելով զհրէայս ե զհեթանոսս 'ի հաւատացելոց .
 որոյ օգնութիւն եհաս մեծ զօրավարն Խուրան , ե հաւա-
 տարմութեամբ ծառայեաց մինչեւ 'ի մահ նորին : Գտանին
 'ի ձեռագիրս ինչ բանք վասն Հեղինեայ թարգմանեալ